



Komunikadu Imprensa
22 Jullu 2020

JSMP apresia vontade polítika PN hodi aprova Lei kona-ba Medida Prevensaun no Kombate Korrupsaun ho unanimidade

Iha 20 Jullu 2020, Parlamentu Nasionál halo diskusaun no aprovasaun iha finál global ho unanimidade bá projetu de Lei Nú.1/V (1ª) kona-ba Medida Prevensaun no Kombate Korrupsaun ho votu a favór 61, kontra 0 no abstensaun 0.

Iha intervensaun bankada parlamentár sira-nian, maioria fó apoiu tomak bá iniciativa lejislativa ida-ne'e hodi bele asegura boa governasaun no kombate korrupsaun iha Timor-lesté.

JSMP apresia aas vontade polítika ida ne'ebé boot tebes husi deputadu sira Lejislatura VI nian hodi bele aprova lei ne'e ho unánimu. JSMP mós apresia espesialmente ba Komisaun A ne'ebé ho esforsu tomak fó prióridade ba lei ne'e hodi diskute no finaliza iha tempu badak iha sesaun lejislativa ida ne'e ne'ebé ikus mai aprova iha plenaria. Ida-ne'e hanesan pasu pozitivu ida iha istória Timor-Leste nian hodi marka pasu ida tan iha polítika Estadu nian bá prevene no kombate korrupsaun," dehan Diretora Ezekutiva JSMP, Ana Paula Marçal.

JSMP mós agredese bá lejislatura ida-ne'e, bá Prezidente sesante Komisaun A distinta deputada Carmelita Caetano Moniz, Prezidente atuál Komisaun A distintu deputadu Joaquim dos Santos ho membru Komisaun A sira hotu ne'ebé mak durante tinan rua ho esforsu tomak iha kolaborasaun di'ak halo diskusaun aberta ho partisipasaun públiku hosi entidades relevante sira inklui JSMP¹ nune'e consege finaliza projetu lei ida ne'e to'o hetan aprovasaun finál globál iha plenária.

Iha enseramentu Prezidente PN, distintu deputadu Aniceto Guterres hateten aprovasaun finál global bá Lei Medida Prevensaun no Kombate Korrupsaun ida-ne'e nu'udar rohan ona husi debate Lei anti korrupsaun nian. Tanba ne'e sei haruka fali bá Komisaun A atu bele prepara iha redasaun finál antes lori bá Prezidente Repúblika hodi hetan promulgasaun.

JSMP iha tempu naruk halo advokasia² ba kriaun lei própria ba prevene no kombate korrupsaun no agora daudaun hetan finalidade iha lejislatura ida ne'e. JSMP espera katak depoisde lei ne'e hetan promulgasaun husi Prezidente Repúblika, lei ne'e bele implementa ho

¹ JSMP consege halo paraser rua ba iha Komisaun A :

https://jsmp.tl/wp-content/uploads/PARESER_LEI-ANTI-KORRUPSAUN_TETUM.pdf

https://jsmp.tl/wp-content/uploads/Paraser-kona-ba-testu-substitutivu-ba-lei-anti-korrupsaun_II_-2019.pdf

² JSMP halo advokasia liuhosi audénsia ho instituisaun relevante sira hanesan Parlamentu Nasionál no Governu. JSMP halo advokasia liuhosi semináriu, debate iha Televisaun no Radio. JSMP mós halo advokasia liuhosi JSMP nia publikasaun sira hanesan relatóriu anuál, paraser no komunikadu imprensa hodi rekomenda ba Governu no Parlamentu Nasionál aselera prosesu kriaun Lei Anti-Korrupsaun nian.

di'ak hodi salva ita nia rain husi aktu sira korrupsaun nian nune'e bele garantia sustentabilidade estadu no futuru jersaun sira iha aban bainrua nian.

Atu hetan informasaun liutan favór kontaktu:

Ana Paula Marçal

Diretora Ezekutiva JSMP

Tlf: 3323883/77040735

Diresaun e-mail: ana@jsmp.tl

info@jsmp.tl

Website: <http://jsmp.tl>